



REPUBLIKA E KOSOVËS - KOMUNA VUSHTRRI

Drejtoria për Kulturë, Rini dhe Sport



Në bazë të nenit 12, paragrafi 2, pika (c) lidhur me nenin 17, pikat (k, r dhe s) të Ligjit Nr. 03/L-40 mbi Vetëqeverisjen Lokale, si dhe Rregulloren MF – Nr – 04/2017 mbi Kriteret, Standardet dhe Procedurat e Financimit Publik të OJQ-ve, nenit 41, paragrafi 2, pika (c) të Statutit të Komunës së Vushtrrisë si dhe në bazë të vendimit të Kuvendit 70/20 me datë 23.04.2020, Drejtoria për Kulturë, Rini dhe Sport, merr vendim dhe shpallë:

THIRRJE PUBLIKE

- Për financimin e projekteve të personave juridik - OJQ-ve, në vlerë mbi 500.00€, nga fusha e Kulturës, Rinisë dhe Sportit, bazuar në kriteret më poshtë:

1. Drejtoria e Kulturës, Rinisë dhe Sportit u bënë thirrje të gjithë personave juridik - OJQ-ve, të regjistruara dhe që veprojnë në Republikën e Kosovës, së paku një vit nga publikimi i Thirrjes Publike, programi i punës i të cilave është i fokusuar në realizimin e aktiviteteve në fushën e kulturës, rinisë dhe sportit.

2. Personat juridik - OJQ-të në përputhje me këtë thirrje publike mund të aplikojnë me projektet/programet e tyre për fushat prioritare si në vijim:

Kultura:

- Teatër;
- Muzikë;
- Arte vizuale;
- Diversitet kulturor dhe dialog;
- Aktivitete letrare.

Rinia:

- arsim;
- punësim;
- shëndet publik;
- çështje sociale;
- kulturë, sport dhe rekreacion;
- edukim qytetar dhe demokraci;
- ambient, planifikim hapësinor dhe zhvillim rural.

Sporti:

- Aktivitet sportive;
- Pjesëmarrja e klubeve sportive në gara kampionale dhe për kupën e Republikës të organizuar nga Federatat përkatëse;

- Pjesëmarrja nëpër turne të ndryshme në vend dhe regjion;
- Organizimi i turneve me rastin e festave shtetërore dhe kombëtare;
- Organizimi i turneve me rastin e shënimit të datave përkujtimore.

3. Vlera totale e planifikuar e thirrjes është 75.000,00 €.

Shuma minimale e mbështetjes financiare që mund të alokohet për çdo projekt është 500,00 €.

4. Afati i fundit për dorëzimin e propozimeve është 10 ditë dhe përfundon me datën 15.06.2020.

5. Personat juridik - OJQ-të mund të aplikojnë me më së shumti dy (2) projekte në kuadër të kësaj thirrje publike. Periudha e zbatimit të projektit është brenda vitit kalendarik 2020.

Të drejtë aplikimi me projektet e tyre kanë Personat juridik - OJQ-të, që janë të regjistruara në regjistrin e organizatave jo-Qeveritare në Republikën e Kosovës dhe të cilat veprojnë në Republikën e Kosovës, së paku një vitë para publikimit të Thirrjes Publike, të cilat aplikojnë me projekt/program me interes për Komunën e Vushtrrisë.

Personat juridik - OJQ-të duhet të kenë kryer transaksionet financiare në mënyrë transparente sipas legjislacionit për OJQ-të në Republikën e Kosovës dhe në përputhje me rregullat e kontabilitetit si dhe të kenë përmbushur detyrimet kontraktuale ndaj Drejtorisë së Kulturës Rinisë dhe Sportit.

Para nënshkrimit të kontratës, Personat juridik – OJQ duhet të paraqesë prova se menaxheri i projektit nuk është nën hetime për vepra penale, si dhe prova se Personat juridik - OJQ-të ka zgjidhur çdo çështje të hapur rreth pagesës së kontributeve dhe tatimeve të papaguara, nëse është e aplikueshme.

6. Propozimet do të dorëzohen vetëm në formularët e paraparë, të cilat së bashku me **Udhëzimet për Aplikantët**, janë në dispozicion në faqen e internetit të ofruesit të mbështetjes financiare www.kk.rks-gov.net/vushtrri/.

Dokumentet e kompletuara duhet të dërgohen personalisht në zarf të mbyllur, në adresën e mëposhtme:
Komuna e Vushtrrisë
Rr. "Adem Jashari"
(zyra e pranimit)

Procesi i pranimit, hapjes dhe shqyrtimit të aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimit të ankesave, trajtimi i dokumenteve dhe kalendarin tregues i zbatimit të thirrjes janë të detajuara në Udhëzimet për aplikuesit e thirrjes publike.

Do të konsiderohen për mbështetje financiare vetëm projektet që janë pranuar brenda afatit të paraparë me këtë thirrje publike, dhe të cilat i përmbushin plotësisht kushtet e përcaktuara të thirrjes publike.

7. Të gjitha çështjet që lidhen me thirrjen publike mund të sqarohen vetëm në mënyrë elektronike, duke dërguar e-mail në adresën: burim.v.rexhepi@rks-gov.net.

Vushtrri, 06.06.2020

Drejtoresha e DKRS-së
Fatmirë Cecelia

